



Onetsita 2018ko aurrekontuak

Pasa den urtean egindako azken osoko bilkuran, udalbatzak oniritzia eman zien 2018ko aurrekontuei. Aho batez onetsi ziren, PSNren zinegotzien botorik gabe, hala ere, bilkurara joan ez zirelako.

Aurtengo aurrekontua 2.352.903 eurokoa da. Baina, kopuru horretaz gain, kontuan hartu behar dira ere musika eskolako gastua (132.100 euro) eta Kanpondokoa (487.300 euro), Musika eskolako Patronatuak eta enpresa publikoaren administrazio kontseiluak, hurrenez hurren, onetsitakoak. Pasa den urtearekin aldaratuta, aurrekontuak igo dira, guztira 121.321 euroan (Udala), 3.950 (musika eskola) eta 5.000 (Kanpondoa). Aurrekontuek gora egin dute zenbait zerbitzuen finantzazioa eta gastuak igo direlako, 0-3 urtekoentzako zentroa edo eskualdeko ikastetxea esaterako, eta Nafarroako Gobernuo Toki Inbertsioen Planaren (PIL) barnean udaletxean jarriko den igogailuen obregatik. Azken inbertsio hori kontuan hartzen ez badugu, aurrekontuek aurreko urteetako lerroei jarraitzen diote, izan ere gastua ezin da asko igo, diruzaintzan oraindik likidezia falta dagoelako.

Inbertsioa 162.025 eurokoa da, eta honako lan hauek egitea aurrikusita dago: teilatua konpontzea, igogailua jartzea (behar beharrezko jarduketa da, beste urteetan ere aurrikusitakoa), herritarrei harrera egiteko bulegoak beheara pasatzea eta udaletxeko sarrera

nagusia berreskuratzea. Horretaz gain, sabaian erabilera anitzeko areto bat eginen da eta bigarren solairuko leihoak konponduko dira. Inbertsio horiek guztiek Nafarroako Gobernuo dirulaguntza izanen dute, datozen bi jardunaldi ekonomikoetan zehar.

Ikastetxe publikoko leihoak aldatzeko bigarren faseari ekinen zaio, eta 0-3 urtekoentzako ikastetxean aire hotz-beroa emateko aparatuak erosi dira.

Langileentzako lansariak %1,5 igoko dira. Modu berean, kultura arloko laguntzailearen lanaldia igoko da %50etik %60ra, Kultur Etxean dagoen aktibitate handia dela eta.

Gastuak igoko dira ere ondoko zerbitzu edo ondasun arrunten

lerroetan: San Migel futbol zelaiako mantenamendua, hiriko altzariak, berdintasuna, lana eta familia bateratzea, turismoa eta finantza gastuak.

Diru-sarrerak direla eta, nabarmentzekoa da gainbalio-zergari dagokion kopurua jaitsi dela (47.000tik 7.000ra), Auzitegi Konstituzionalaren epaia dela eta. Horretaz gain, kontribuzioa handitu da, hamalau urtez eguneratu gabe zegoen katastroko balorazio ponentzia egunean jarritakoan.

Aurrekontuak onetsi ziren Osoko Bilkura berean udalbatzak beste bi gai garrantzitsu aztertu eta aho batez onetsi zituen: 2018. urteko tasak eta zergak eta Udala plantilla organikoa, Musika Eskolako Patronatuko eta Kanpondoa S.L.-koa barne.



Onetsita Nafarroako Toki Ogasunen banaketa berria

Nafarroako Gobernuak lege berri bat onetsi du komunitateko udalerrientzako Toki Ogasunen Fondoa banatzeko, eta banaketa hori indarrean egonen da 2018. eta 2019. urteetan zehar. Toki Ogasunen Fondoa da gobernuak udal eta kontzejuen gastu arruntak (langileak, bulegoak, hornidurak eta abar) finantzatzeko duen sistema.

Legearen helburua da 2018. urterako aurrikusitako ekarpena handitzea, Foru Komunitateko kontsumoko prezioen indizea (IPC)

baino bi puntu gorago. Indize hori ekainetik ekainera baloratzen da, eta azkena %1,1koa izan da. Horretaz gain, 5,8 milioi aurrikusita daude, montepioak finantzatzeko udalen gastua gutxitzeko. Horren eraginez, udal finantzazioa, pasaden urtearekin aldaratuta, %5,9 igo da, hots, 12,2 milioi gehiago.

Igoera horren eta zenbateko hori banatzeko ezarritako irizpide berrien ondorioz (guztira igotako %3,1tik, %2,1a iagoera lineala da, eta gainerako %1 hainbat irizpideren

arabera –horien artean biztanleria edo zabalera, esaterako- kalkulatu formula betean oinarrituta kalkulatuakoa da) udalak 31.000 euro gehiago jasoko ditu. Agoitzek 704.000 euro jasotzen zituen eta 2018. urte honetan 735.000 euro jasoko ditu.

2019. urteari dagokionez, berriro igoko da fondoaren kopurua, 2018. urtean jasotakoari IPC + 2 puntu gehituta, hain zuzen ere.


Aurkezturik Nafarroako Toki Administrazioa berrantolatzeke aurreproiektua

Pasa den abenduaren 21ean Nafarroako Gobernuak Toki Administrazioa Departamentuak plazaratu zuen toki mapa berrantolatzeke aurreproiektua. Agiria aurkeztu da Nafarroako Udal eta Kontzejuen Federazioak bi urteko eztabaida prozesu bat egingakoan. Prozesu horretan izandako topaketetan toki entitateek bere ikuspuntua plazaratu eta aldaratzeko aukera izan dute. Nafarroako Gobernuak adituen talde batekin lan egin du, eta gaia departamentu guztietan landu da. Orain prozesuaren azken txanpa hasi da.

Aurreproiektua Parlamentura heldu baino, eztabaidatu eta onetsi dezaten, Nafarroako Udalerri eta Kontzejuen Federazioak sakonki aztertuko du proposamena, entitateak egindako partaidetza prozesuaren ondoriozko kontsiderazioek Gobernukoekin bat egiten duten ikusteko eta aurki (otsailaren bukaeran, zurrenik) eginen den biltzar bereziko jarrera hartu ahal izateko.

Aurreproiektua forma hartzen joan ahala eta proposamen onesgarri batera hurbildu ahala, horren berri emanen diegu herritar guztiei; izan ere, berrantolaketak horrek aldaketa handia ekarriko duelako zen-

bait alderditan. Horren inguruko dokumentua ikusgai dago www.fnmc.es web-orrian.



Banda zabala Agoitzera ailegatu da



Berriki ikusi dugu gure herriko erdigunean, hala nola Agoitz Iruñearekin lotzen duen errepidean zehar, zuntz optikoa gure herrira ekarri ahal izateko egiten ari diren obrak.

Honela jasota dago Nafarroako Gobernuak, Nasertic elkarte publikoarekin batera, eginiko Plan Zuzentzailean. Horren arabera, Nafarroako herri guztiek banda zabalarekiko lotura izanen dute 2021. urterako. Zuntz optikoa foru komunitate osora zabalduko da, heldu diren 5 urteetan zehar, eta horretarako 31,35 milioiko inbertsio publikoa egiten da.

Momentuz, Nafarroako Gobernuak ordaindu ditu zuntz optikoa industrialdeko sarreran dagoen puntu zehatz batera eramateko gastuak. Han txabola bat egin da, eta bertatik banatzen dira Gobernuak herrian dituen zerbitzuetako egoitzetara: ikastetxea, epaitegi, osa-

sun etxe, liburutegi, suhiltzaileen parke, bide-zaintza, enplegu zerbitzu eta nekazal agentziara.

Gainera, prest utziko dituzte zuntz optikoa hartzeko lotuneak udaletxean, 0-3 urtekoentzako zentroan, Kultur Etxean eta Kanpondoan, eta horrela berehala ekin ahal izanen zio zuntz optikoari lotzeari.

Momentuz, gobernuen egoitzek bakarrik izanen dute banda zabala, eta Agoitz osora zabaltzeko telefonia operadore batek egin beharko du proposamena. Lehen pauso hori oso garrantzitsua da, oztoporik handiena, zuntza gure herrira ekartzea alegia, gaindituta gelditu delako.

Datozen egunotan horren inguruan berriki izanen dugulakoan gaude. Eduki bezain laster helaraziko dizkizuegu.

Interferentziak TB-rekin? www.llega800.es



gikorak egin daitezke eta, horren eraginez, eraikinetako estaldura hobetu eta estaldura geografiko sakonagoa lotu, landa eremuetan bereziki.

4. belaunaldiko zerbitzu mugikorrek 800MHz-ko frekuentzia erabiltzen dute, hots, lehengo lurreko telebista digitalak (TDT) erabiltzen zuen bera; eta, horrenbestez, telebista seinalean interferentziak egon daitezke.

Herriko edozeinek www.llega800.es-ek eskaintzen duen zerbitzua

erabil dezake sintonizatutako kanalak bete-betean ikusteko, telebista operazio txiki bat egon ondoren.

Oso prozesu erraza da. Intzidentzia erregistratzeko, TDT seinalea ongi jasotzen ez bada, doan deitu daiteke honako telefono honetara 900 833 999, edo, bestela, www.llega800.es web-gunera sar daiteke eta han formulario bat bete. Erabiltzailearentzako harreara zentroak doan konponduko ditu 4G zabalpenagatik eragindako kalteak.

Onetsita herri aprobetxamenduen ordenantza

Agoizko Udaleko Osoko Bilkurak aho batez onetsi zuen aprobetxamendu komunalak arautzen dituen ordenantza. Horien helburua da udal dermioan katalogatutako ondasunak arautuko duten neurriak ezartzea.

Horretaz gain, katastroan udalaren izenean agertzen diren zenbait landa lur-zatiren jabetzaren aldaketa onartu zuen, eta eremu horiek herri lurren kategoria juridikoa izanen dute hemendik aurrera. Akordio hau horren lehen pausua da, oraindik lan itzela egin behar delako. Egin ahala informazioa ematen joanen gara.

Kanpondoa S.L., kudeatzailearen bila



Pasa den urtarrilaren 15ean bukatu zen Kanpondoa S.L. Agoizko Udaleko elkarte publikoaren kudeatzaile lanposturako eskaintzak aurkezteko epea. Agoizko Udalak osoko bilkuraren aho batez onetsi zuen deialdia, hautapen proben bidez egitekoa. Lanpostua hutsik gelditu da Jorge Vaquero elkarrearen zuzendaritzan bost urtetan zehar aritu eta joan ondano.

Hautatuko den pertsonak orain arte egondako kudeatzailek zituen funtzio berberak izanen ditu. Deialdia arautzen duen baldintza pleguak zehazten ditu funtzio horiek, hala nola deialdian parte hartu nahi dutenen baldintzak.

Onartutako izangaiek proba praktikoa egin beharko dute, Kanpondoa Elkarteko planifikazio eta kudeaketaren ingurukoa, eta ondoren, Epaimahaia-aren aurrean defendatu beharko dute. Curriculum eta ibilbide pertsonala aztertuko da eta proba psikotekniko errazak egiten dira, pertsona hautatzeko.

Agoizko Udalak eskerrak eman nahi dizkio Jorge Vaquerori, urte hauetan zehar Kanpondoaren zuzendaritzan adierazi duen profesionaltasunagatik eta eskaintako dedikazioagatik.

Titularraren aldaketa, Toki Eder pilotalekuko tabernaren gestioan

Pasa den urtarrilaren 8tik aurrera, Oscar Pérez Agoizkoa da Toki Eder pilotalekuko kudeatzaile berria. Dani Pérez orain arteko jabeak kontratua utzi dio; beraz, arduradun berriak 2015.eko apirilean hasi zen jatorrizko kontratuarekin jarraituko du, horrek zituen baldintza berberekin eta elkarren artean adostuta.

Kontratua uzteko aukera aurrikusita dago Nafarroako kontratuen legean, hala nola tabernaren kudeaketa eramateko bere garaian udalak onetsitako baldintzen pleguan; beti ere, jabe berriak onetsi beharko ditu aurrekoak zituen baldintza berberak.

Suerte on Oscar Pérezi abentura berri honetan!



Inmatrikulatutako ondarearen berreskurapena

Nafarroako Ondarearen Defentsarako Plataforman lan egiten duten udal eta kontzejuek, Agoitz barne, eginen duten proposamenaren bidez, eskatuko dute Parlamentuak berriki aztertuko duen toki entitateen berrantolatetaren legean sartzea, udalen kompetentzien atalean, Artzapezpikutzak inmatrikulatutako ondasunak berreskuratzea. Hori erabaki zen aurki Burlatan egindako udal biltzarrean, zeinetan ehun bat toki ordezkari bildu baitziren.

Horren bidez herritarren partaidetza tramitearen bidez, edo, bestela, parlamentuko eztabaidarekin, Toki Administrazioako Foru Legeko 110. artikulua aldatu nahi da. Artikuluak, gaur egun, honakoa dio: "Nafarroako toki entitateek beren ondasunak zaindu, defendatu, berreskuratu, hobetzearen alde egin behar dute; haien eskubideak gorde behar dituzte, eta horiek defendatzeko behar denari ekingo diote. Paragrafo horri beste hau gaineratuko litzaioke: "Halaber, Nafarroako toki entitateek inmatrikulatutako ondasunak berreskuratzen saiatu behar dute, Hipote-

ken Legeko 206. artikulua menpean eta indarrean dagoen bitartean".

Gainera, Unai Lako plataforma horren batzordeko bozeramaileak, 2013. urtean egindako hirugarren biltzarretik hona egindakoaren balantzea egin zuen. "Inmatrikulatutako ondarearen berreskuratzeak leku handia dauka gaur egun arlo instituzional, politiko, mediatiko eta sozialean. Estatu osoan zehar egiten den eskakizuna da, nahiz eta lekuan lekuko garapena desberdina izan".



Gizarte garapenerako eragile aktiboak

Rafael Olleta Ruizek, ASPACEko zuzendari nagusiak, duela gutxi jarraian transkribatzen dugun eskutitza bidali zuen tokiko hedabide idatzietara. Honakoa dio:

«Hogeita hamar urte baino gehiago dira Nafarroako Aspace esaten ari dela ezintasunik duten pertsonak eskatzen zaizkien eginbeharrak edozein langilek eman dezakeen kalitate eta zerbitzu berarekin egin ditzaketela. Eskatutako zeregina langilearen ezagutza pertsonaletara egokia izatea beharrezkoa bada ere, laguntza eta beharrezko prestaketarekin lana bete-betean egin dezakete.

Bada, gure egunerokotasunean enpresei hori horrela denaz konbentzitzea zaila egiten bazaigu ere, ECO-LEC-k, aparailu elektriko eta elektronikoko Gestio Sistema Integratu batek, "2017. Urteko Kudeatzaile Eredua" izendapenarekin saritu digu, eta lehiakide izan ditugu estatuko birziklapen beste planta batzuk, zeinetan ezintasunik gabeko langileak ari diren. Eco-integra 2007. urtean sortu zen, eta bertan aparailu elektriko eta elektronikoko (hozgailuak, ikuzgailuak, telebistak, etxeko aparailu txikiak) birziklatzen dira. Planta horretan, gaur egun, 65 langile daude, eta horietatik 59k batzate beste %44 mailako ezintasuna dute.

Aurten 7.800 bat tona aparailu berreskuratuko ditugu, hots, horietan erabilitako materialaren % 90, eta ondoren honako lehen gai horiek berrerabiltzeko moduan egonen dira: burdina, kobrea, aluminioa,...; gainera, atmosferara CO2 150.000 tona botatzea ekidingo dugu. Birziklatzen diren aparailuak gure erkidego autonomokoak dira eta ondoko beste batzuetakoak, eta aurten hasi gara Frantziako hegoaldeko aparailuak ekartzen. Gure esker ona adierazi nahi diegu Ecolec-i, proiektu, honekin hasieratik hartutako konpromisoagatik eta estatuan lortu duen aitortzagatik, Nafarroako Gobernuari eta toki entitateei, emandako laguntzagatik, hornitzaile eta bezeroei, Aspace Navarra-ko lankideei eta "Kudeatzaile Eredua" izendapenarekin saritzeko guregan konfiantza jarri duten pertsona guztiei.

Zorionak Ecointegrako ekipo osoari, duten profesionaltasunagatik. Haiei esker esan dezakegu "zuzen ginen: ezintasuna dugun pertsonak gure komunitateko garapen sozialaren eragile aktiboak gara", eta, gainera, egiten dugun horretan hoberenak gara ere.»

Agoizko Udalaren izenean, Zorionak Ekointegrari egiten duen lanagatik!

“Osasuneko norbanakoaren karpeta”, eskura

Nafarroako herritarrak beren Norbanakoaren Osasun Karpeta (CPS) sartzen ahal dira dagoeneko. Bertan eskura dago informazio kliniko eta zenbait tramite elektronikoko berriak egiteko aukera ematen du, txostenak zuzenean eskatzea, zitak deuseztatzea edo jarraipenerako datuak erreferentziatzeko profesionalekin partekatzea, besteak beste.

Erabiltzaileek, gainera, agendan begiratu ditzakete programatutako zitak, hartzen dituzten botikak edo kontsultan agindu dieten bizimodua.

Interesatutakoak ziurtagiri digitala edo NAN digitalaren bidez sartu ahalko dira, eta horretarako ez dute izapide berezirik egin beharrik izanen. Bestela, beren osasun etxean eskatuko ahalko dute kreditaturiko sarbide bat. Azken modu hori da Osasun Departamentuak prestatu duena, herritarrei zerbitzu horretara sartzeko aukera emateko, izan ere kreditatzeko aipatutako lehenengo bi aukera horiek ez daude orokortuta herritarren artean.



Erretzeari uzteko laguntzak heldu dira

123.000 erretzaile (65.000 gizon eta 58.000 emakume) dira Nafarroako Gobernuak martxan jarri dituen neurrien onuradunak. Pasa den abenduaren 23tik aurrera finantzatzen ditu erretzeari uzten laguntzeko botikak.

Zenbait ikerketak diotenaren arabera, «tabakoari uzten laguntzeko botika hartzeak tabakoari uztea arrakastatsua izaten laguntzen du».

Gaur egun zenbait botikak frogatuta



dute tabakori uzteko baliagarriak direla, eta lehen harrera egiten duten medikuek errezetatu behar dute kasu bakoitzean egokien deritzoten botika.

Botika horiek izanen dute dagoen koordainketa, errenta mailaren arabera, Nafarroan ezarritako koordainketa sistemari jarraikiz. Tratamendu bakar bat ordainduko da gaixoko eta urteko, eta aukeratutako botikaren araberako iraupena izanen du.

Aurretiazko borondateen dokumentua osasun etxean tramitatu daiteke

Pasa den abenduaren 21etik ez geroztik Aurretiazko Borondateen Agiria (ABA) edo “Bizi-testamentua” deitutakoa tramitatu ahal da Nafarroako Foru Komunitateko osasun etxe guztietan, aurretiazko borondateen erregistroan sartzeko.

ABA ez da oraindik sobera eza-guna eta gaixoentzako ez da oso

eskuragarria. Gainera, Aurretiazko Borondateen Erregistroan begiratu behar duen medikuntzako profesionalentzako ez dago oso ikusgai ere.

Hemendik aurrera, gainera, Nafarroako osasun etxe guztietan egin ahalko dira erregistroan inskribatzeko tramiteak. Denek beren auzo

edo herriko osasun etxean aholkua jaso eta agiria utzi dezakete. Gizarte Laneko profesionalak izanen dira zentro bakoitzeko erreferenteak. Haiekin zita eskatu eta interesatuak ABA aurkezteko beharrezko informazioa eta laguntza jasoko du.

Agoitz Hiria XII. Argazki Lehiaketako sari banaketa

Joan den abenduaren 15ean, eta oraindik ikusgai zaudela “Agoitz Hiria” XII. Argazki Lehiaketara aurkeztutako argazkiak, argazki hoberenentzako sariak banatu ziren Kultur Etxean. Publikoaren saria (300 euro) jaso zuen ‘En Aoiiz hay una calle adoquinada’ izeneko irudiak, Agoizko Edurne Mañú Aristurena. Eta modalitate orokorreko lehen saria (500 euro) izan zen lehiaketa mota haietan ohikoa den Javier Yárnoz Sánchezen ‘Rincones de Aoiiz’ argazkiarentzat.

Agoizko Udalak, azken urteetan egiten ohi den moduan, egutegi bat argitaratu du lehiaketara aurkeztutako zenbait argazkirekin. Egutegia udaletxean eta kultur etxean eros daiteke 3 euroan.



Agoizko San Migel Abesbatza, Nafarroako Urrezko Dominaren emate-ekitaldian



Agoizko San Migel Abesbatzak, Aitziber Martxueta-zen zuzendaritzapean, musika jarri zuen Nafarroako Urrezko Dominaren emate-ekitaldian. Hasteko, bikain interpretatu zuen Nafarroako himnoa, lehenik gaztelaraz eta euskaraz gero. Abesbatzak honako erreperitorioa honekin osatu zuen emanaldia: Exultate Justi, Ludovicus Viadanarena; Gloria Sei Dir Gesungen, J.S Bach-ena; eta, bukatzeko, Jeiki Jeiki ezaguna. Bukatutakoan publikoarengandik merezitako txaloak jaso zituen.

Kultur balantzea eta Eguberriak

Abendua kultur aktibitatez betea egon da, gehienak Eguberrien eta oporraldi horrek eskaintzen duen denbora librearen kariatara antolatutakoak.

Herriko jende asko hurbildu zen kontzertura, izan ere publiko fidela du, beti Agoizko musika bandarekin disfrutatzen prest dagoena.

Hilabetearen hasieran Mariano Garcia Musika Bandak emanaldia eman zuen Nafarroaren Eguna zela eta.

Modu berean, eta arrakasta bera izan zutela, Eguberrietako gainerako kontzertuez gozatzeko aukera



izan genuen: Mariano García Musika Banda eta San Migel Abesbatza Txikiaren arteko kontzertua, elizan; Agoizko Musika Eskolako kontzertua, Kultur Etxean; eta San Migel Abesbatzarena, elizan ere.



San Migel ikastetxeak bete zuen Kultur Etxeko entzutegia urte bukaerako jaia ospatzeko, eta 0-3 urte bitarteko haur eskolak txikiei eta haien familiei Olentzerok egin zuen bisita jaso zuen.

Familia osori zuzenduta, TDiferenciaren konpainiaren eskutik «Peter Punk» musikala eskaini zen. Musika ona eta umorea, urteari bukaera emateko antolatutako azken ekitaldian.



Eguberrietan ohikoa den moduan, kultur arloak arte plastikoko ikastaroa antolatu zuen Patxi Huarteren eskutik. «Eguberrietan plastikatzen» tailerlean bete ziren 5-12 urte bitartekoei eskainitako 30 plaza.

Aipatutakoaz gain, nabarmentzekoak dira honako jarduera hauek: herriko hurrek Maridomingiri eskutitza emateko aukera izan zuten; Jaiotzagileen Elkartekoek egindako eta herrian barna jarritako jaiotzak bisi-



tatzeko aukera izan genuen, Bilaketako Abesbatza eta Instrumentu Taldearen laguntzarekin; Olentzero etorri zen; Ekialdeko Errege Magoen mezulariak harre-rra egin zuen; eta opariz beteta etorri zen Errege Magoen kabalkadaz disfrutatu genuen.

Abenduan zehar ikusgai egon ziren Agoitz Hiria XII. Argazki Lehiaketara aurkeztutako lanak.

Bukatzeko, Mar del Rey-ren «Las gallinas de Maitina» liburua aurkeztu zen liburutegian, eta jende asko hurbildu zen ekitaldira.

Aktibitatez betetako hilabetea, kulturaz disfrutatu eta aberasteko.

